

Pleiv Rueun Ruschein Siat Pigniu

Protocol dalla radunonza generala dils 7-04-2019 allas 19.00 uras a Rueun.

Beinvegni cun appel.

Il president Hugo Schär arva la radunonza cun beneventar tuttas presentas e tuts presents cordialmein.

Participaziun: 45 parochianas e parochians cun dretg da vuschar.

Perstgisas: Gabriela Spescha Pigniu

Gliesta da tractandas :

La gliesta da tractandas ch`ei stada publicada el FUS e sin la pagina d`internet, vegn approvada senza midadas.

Tractandas: 1. Elecziun da dus/as dumbravuschs.

2. Protocol dalla radunonza generala 27-04-2018

3. Rapport dil president

4. Plaid digl augsegner

5. Rendament da quen 2018 e preventiv 2019

6. Rapport dallas revisuras da quen ed approvaziun dil quen 2018
e preventiv 2019

7. Fixar il pei da taglia per 2020

8. Orientaziuns

9. Varia

1. Elecziun da dus/as dumbravuschs

Maria Antonia Simmen Rueun e Cristian Casanova Ruschein vegnan tscherni ed elegi unanim.

2. Protocol dalla radunanza generala dils 27-04-2018

Il protocol sura numnaus, ei staus publicaus dapi liung temps sin la pagina d'internet dalla pleiv. Negin giavischa ina prelecziun.

Approbaziun unanim senza midadas.

3. Rapport dil president

Il president Hugo Schär menziunescha ch'era il secund onn dalla pleiv fusiunada seigi staus fetg intensivs. Sper ils gronds projects sco la renovaziun casa pervenda Ruschein ni l'orgla nova Ruschein, hagian era las discussiuns davart il tuchiez dalla baselgia s. Flurin a Siat procurau per dabia rumpatesta. Vinavon vegni la suprastanza era confrontada cun da tuttas sorts caussas nunspitgadas, caussas che drovian sclariment e temps, per lu saver decider. La suprastanza sesprovi denton adina cun siu meglier saver e puder da decider en favur da nossa pleiv. In fatg che caschuna empau quitaus ei denton la massiva digren da parochianas e parochians. Enteifer gnanc 3 onns seigi il diember sesminuius per bunamein 100 personas.

Il president engrazia a ses collegas da suprastanza per lur lavur e per la buna collaboraziun.

Vinavon rapportescha il president, ch'ei seigi era per sur Thomas grev d'emprender d'enconuscher 4 pleivs e lur populaziun. Quei ton pli sch'ins entaupi mo ina pintga part da quellas personas en baselgia ni en pleiv. Ei seigi da deplorar ch'igl interess per fatgs da baselgia seigi aschi pigns. Il president engrazia a sur Thomas per sia lavur ed ins vegli sperar cun el che nossa pleiv vegni puspei a prosperar pli fetg.

Alla fin engrazia il president a tuttas presentas e presents per igl interess e per la confidanza.

4. Plaid digl augsegner

En siu plaid menziunescha sur Thomas, che la baselgia seigi era in liug da cuminonza. Era fussi bi da star suenter la s. messa ensemen par dar ina paterlada. Sur Thomas spera era sin agid vid la pastoraziun, per eventual saver metter en pei zatgei per affons e giuventetgna. Ins stuessi empruar da motivar la giuventetgna per ils fatgs da baselgia. El engrazia a tuttas e tuts per la preschientscha.

5. Rendament da quen 2018 e preventiv 2019

Il cassier Toni Albin presenta la bilanza, il quen da gudogn e sperdita per 2018 ch`ei serraus giu sin ils 31.12.2018 ed il preventiv per 2019.

Ils 31.12. 2018 muossa la pleiv ina summa da bilanza da frs. **1'531'704.38**

	quen 2018	preventiv 2019
Total entradas	+282'190.90	+282'600.-
Total expensas directas	-7'567.72	- 8100.-
Total cuosts da persunal/funziunaris	- 196'470.80	-194'600.-
Total ulteriuras expensas	- 59'482.17	-78'500.-
Total deducziuns	-19'050.65	-2'400.-
Total resultat da finanzas	<u>+621.72</u>	<u>+500.-</u>
Gudogn	<u>+241.28</u>	<u>0.-</u>

Neginas damondas ord il plenum.

6. Rapport dallas revisuras ed approbaziun dil quen 2018 e preventiv 2019

Cornelia Coray e Claudia Tomaschett han revediu il quen e san rapportar sco suonda: Ellas hagian revediu il quen cunscienzusamein, ils mussaments pretendi e necessaris seigien avon maun, las quitanzas bein ordinadas e la contabilitad seigi menada datier alla perfecziun. Ellas proponan d`approbar il quen 2018 sco era il preventiv 2019 ed aschia dar scarica al cassier Toni Albin, al fiduziari Adrian Bergamin sco era a l`entira suprastonza. Las revisuras engrazian grondamein al president Hugo Schär, agl augsegner sur Thomas sco era a l`entira suprastonza per la gronda e buna lavur prestada.

Il quen 2018 sco era il preventiv 2019 vegnan approvai unanim.

7. Fixar il pei da taglia per 2020

Sin proposta dalla suprastonza vegn , senza discussiun, decidiu da schar il pei da taglia per 2020 sin 16% dalla taglia cantunala.

8. Orientaziuns

a) Casa pervenda Ruschein

Il president orientescha che la suprastonza hagi en sia seduta dil 18-06-2018, surdau las lavurs da renovaziun a Lanicca Bauplanung GmbH Ruschein sco sorprendider general. Cundiziuns: Buca survargar il preventiv da frs. 750'000.- e da risguardar, tenor forza e pusseivladad, las interpresas dil vitg. Las lavurs da renovaziun seigien actual savanzadas detg stupent e sin fin zercladur 2019 duessan las lavurs esser terminadas.

b) Orgla nova ella baselgia s. Gieri a Ruschein

L`orgla nova ei instalada, ussa suondan aunc lavurs d`intonaziun. Ils 24-08-2019 dat ei ina fiasta d`inauguraziun cun concert.

c) Caplutta s. Antoni Ruschein

La renovaziun dalla caplutta vegn spustada sin igl onn 2020. Motiv: La gruppa d'interess " Caplutta s. Antoni " sto aunc sclarir zaconts puncts pertuccont finanziaziun ed execuziun.

Damonda: Gion Cadruvi vul saver tgei lavurs da renovaziun ch`ein previdas. El ei dil meini ch` era il zenn duessi vegnir renovaus.

d) Caplutta s. Clau Rueun

Sanaziun dallas fatschadas. Cuosts calculai cun frs. 12'000.- (credit en cumpetenza dalla suprastonza) . 15 % surpren la tgira da monuments.

e) Tuchiez s. Flurin a Siat

Il president recapitulescha tut il curriu e passau en connex cun il tuchiez a Siat.

La suprastonza hagi stuiu sefatschentar pliras gadas cun quei cass. Schizun duas radunonzas extraordinarias a Siat ein gia vegnidas convocadas. Ina tiarza suonda ils 28-04-2019, nua che l`entira pleiv fusiunada vegn envidada. Leu vegn decidu, schebein ins vul puspei allontanar l`isolaziun dil clutger.

f) Cuolm Lavadina Siat

Clavau e tegia dil cuolm ein sbalunai. Il " schurmetg civil " ha surpriu da far uorden cun quels objects. Quei vul dir, els mettan la lenna en pluna sin il sulom existent, en fuorma ch`ei regia buca prighel per glied ed animals.

g) administratur dalla pleiv

Sur Thomas Arkuszewski ,ch`ei ussa bien in onn en uffeci, resta era vinavon en nossa pleiv sco plevon administrativ.

9.Varia

Il president dat enconuschent ils termins da dumengi`alva a Ruschein ed a Rueun. Plinavon eis el dil meini ch`ins stoppi reponderar co vinavon cun la prozessiun da Songilcrest a Rueun.

Ord il plenum vegn la menziun ch`ils termins da s. messas e devoziuns, publicai el fegl ufficial, seigien buca adina identics cun ils termins publicai sin la pagina d`internet. Il president pren encunter quella remarca ed empermetta megliur.

Allas 20.15 fin dalla radunonza. Il president engrazia per la participaziun.

Rueun, ils 07-04-2019

Hugo Schär president

Hubertus Spescha actuar